

---

## NARX-NAVO QAT'IY NAZORATDA. XAVOTIRGA O'RIN YO'Q

***Yurtimizda koronavirus qayd etilgani rasman ma'lum qilindi-yu, odamlar o'zini bozorga, do'konga urdi? Hukumat kasallikka chalinmaslik uchun sanitariya-gigiyena qoidalariga qat'iy amal qilish zarurligini ta'kidladi, ammo, oziq-ovqatni jamg'arib qo'ying, yetishmovchilik bo'ladi, deb ogohlantirmadi-ku. Afsuski, ko'pchiligimiz buni o'ylab ham ko'rmay o'z xatti-harakatimiz bilan xalqda vahima uyg'otamiz, bilib-bilmay ayrim "uddaburonlar"ning tegirmoniga suv quyamiz. Buning oqibatida ba'zi savdo do'konlarida mahsulotlar narxiga ustamalar mindi. Bizda koronavirus emas, vahima virus boshlandi.***



---

Aslida bu ham bir sinov, sinov esa kimning kimligini yaqqol ko'rsatib berishi barchamizga ma'lum. To'g'ri, mamlakatimiz birinchi marotaba bunday qiyinchilikka duch keldi va noma'lum qo'rquvlar paydo bo'lishi tabiiy. Ammo vahima qilish kerak emas.



---

Bugun tuman dehqon bozorida o'tkazilgan tadbir ham aynan shu maqsadda tashkil etildi. 1-sektor rahbari, tuman hokimi I. Novikov, 2-sektor rahbari, tuman prokurori M. Shomurodov, 3-sektor rahbari tuman IIB boshlig'i S. Abdullayev, 4-sektor rahbari tuman Davlat soliq inspeksiyasi boshlig'i S. Abdirasulov, tuman bosh imom xatibi A. Axmadaliyev va mutasaddilar tomonidan karantin vaqtida narx-navoning asossiz oshib ketmasligi bo'yicha tadbirkorlarga tushunchalar berildi.



---

Tadbirda soʻz olganlar narx-navoni asossiz oshirish holatlariga qarshi keskin choralar koʻrilayotganini, bunday vaziyat doimiy asosda nazorat olib borilishini takidlab oʻtishdi.

**Qoʻshtepa tumani hokimligi Axborot xizmati**

2020-03-16 13:55:36